

Izjava OHR-a na konferenciji za medije međunarodnih organizacija

Konferencije za štampu u organizaciji EU

Dobrodošli u Ured visokog predstavnika odnosno Ured specijalnog predstavnika Evropske unije. Sa nama su OSCE, EUFOR, NATO i EUPM. U budućnosti će sa nama biti i predstavnik specijalnog predstavnika Evropske unije te druge organizacije po potrebi, uključujući Evropsku komisiju.

Budžet

Sutra će Zastupnički dom razmatrati državni budžet za 2005. godinu, kojeg su odobrili Vijeće ministara i Predsjedništvo.

Važno je pomenuti da je ovo prvi put da su organi vlasti BiH uspjeli da usaglaise nacrt budžeta koji je proslijeđen u parlamentarnu debatu ovako rano u poslovnoj godini – naravno, u drugim zemljama budžet za ovu godinu bio bi izrađen, razmotren i usvojen već prošle godine, ali činjenica da se rasprava održava u januaru ipak predstavlja značajan napredak u proeđenju sa prethodnim godinama, kada se budžet razmatrao tek krajem proljeća ili početkom ljeta.

Ukoliko se nacrt budžeta ne usvoji moraće se izvršiti privremena raspodjela sredstava na osnovu prošlogodišnjeg budžeta, a to bi značilo da institucije – osobito one novoosnovane, uključujući SIPU, Ministarstvo odbrane i Upravu za indirektno oporezivanje – ne bi imale dobrovoljno novaca da rade.

Dok BiH poprima administrativne konture normalne evropske zemlje, dakle racionalizira svoju operativnu strukturu, smanjuje troškove na srednjem nivou vlasti te gradi

funkcionalne državne institucije, vjerovatno je da će smanjenje budžetskih izdataka zauzimati sve važnije mjesto u političkoj debati – i tako i treba da bude. Mora se postići više sa manje sredstava. Odnosno, drugim riječima rečeno, građani od organa vlasti moraju dobiti više za ono što im daju. Činjenica da se budžet razmatra ove sedmice a ne tek za nekoliko mjeseci pokazatelj je da vlasti ovo počinju shvatati.

Posjeta višeg zamjenika visokog predstavnika Mostaru

Viši zamjenik visokog predstavnika, Werner Wnendt, danas se nalazi u posjeti Mostaru, gdje će se sastati sa novoizabranim gradskim zvaničnicima Mostara. Ambasador Wnendt će se sastati sa gradonačelnikom Mostara Ljubom Bešlićem, šefovima odjela Gradske uprave Mostara, predsjednikom Gradskog vijeća Mostara Muratom Ćorićem, i vijećnicima Gradskog vijeća Mostara. U toku ovih sastanaka ambasador Wnendt će još jednom istaći važnost brze implementacije Odluke o Mostaru za doborobit svih građana Mostar koji imaju pravo da očekuju korist od ujedinjene, funkcionalne i normalne, evropske gradske uprave.

U toku svoje posjete, ambasador Wnendt također će posjetiti mostarski aerodrom, gdje će se susresti sa zamjenikom direktora aerodroma, Izetom Šahovićem. Biće informiran o nekim od najnovijih ulaganja u infrastrukturu aerodroma, koja mogu imati značajan propratni efekat na razvoj ogromnog ekonomskog potencijala mostarske regije, uključujući razvoj turizma i privrede.